



Samtök sveitarfélaga á höfuðborgarsvæðinu

578. fundur stjórnar SSH
var haldinn í Hamraborg 9, mánudaginn 6. maí 2024
og hófst hann kl. 12:00.

Fundinn sátu:

Regína Ásvaldsdóttir, Almar Guðmundsson, Ásdís Kristjánsdóttir, Einar Þorsteinsson, Jóhanna Hreinsdóttir, Rósa Guðbjartsdóttir, Þór Sigurgeirsson, Hildigunnur Hafsteinsdóttir lögfræðingur SSH og Páll Björgvin Guðmundsson framkvæmdastjóri SSH.

Fundargerð ritaði: Hildigunnur Hafsteinsdóttir, lögfræðingur SSH

Regína Ásvaldsdóttir, formaður stjórnar, setti fund og gengið var til dagskrár.

Dagskrá:

1. Samgöngusáttmálinn - Uppfærsla - 2003010

Framhald umræðu um stöðu viðræðna og næstu skref.

Gestir

Dagur B. Eggertsson

Niðurstaða:

Umræður

2. Fráveitumál höfuðborgarsvæðisins forathugun -Sóknaráætlun 2024 - 2404004

Meðal áhersluverkefna sóknaráætlunar 2024 er að kortleggja og greina fráveitumál á höfuðborgarsvæðinu. Ráðgjafar verkefnisins, Einar Kristján Stefánsson og Guðjón Bragason, kynna málið og tillögur að næstu skrefum. Umræður.

Gestir

Guðjón Bragason ráðgjafi.

Einar Kristján Stefánsson ráðgjafi.

Niðurstaða:

Stjórn samþykkir að unnið verði frekar til samræmis við þær tillögur ráðgjafa sem fram koma í kynningu þeirra og einnig verði haft samráð við Samband íslenskra sveitarfélaga um framgöngu málsins.

3. Persónuverndar- og öryggisstefna SSH - 2404014

Lagt er fram minnisblað dags. 2. maí 2024 þar sem gerð er grein fyrir þörf á að setja persónuverndar- og upplýsingaöryggisstefnu SSH. Fyrirliggjandi eru drög að slíkri stefnu sem lögð eru fram til samþykktar stjórnar.

Jafnframt eru lögð fram til kynningar drög að verklagsreglum og tékklistum sem



Samtök sveitarfélaga á höfuðborgarsvæðinu

nýtt verða við starfsemi SSH til stuðnings framfylgd stefnunnar. Berglind Snorradóttir starfsmaður SSH kynnir.

Gestir

Berglind Snorradóttir

Niðurstaða:

Fyrirliggjandi drög að persónuverndar- og upplýsingaöryggisstefnu eru samþykkt.

4. Samhæfð svæðisskipan í málefnum barna - 2403007

Framhald frá umræðum 576. fundar en þá var framkvæmdastjóra falið að greina málið nánar og leggja fyrir stjórn að nýju. Framkvæmdastjóri kynnir.

Niðurstaða:

Framkvæmdastjóra er falið að vinna að málinu áfram. Um er að ræða annars vegar gerð samnings milli sveitarfélaganna um svæðisbundið farsældarráð. Hins vegar gerð viðaukasamnings við sóknaráætlun við mennta- og barnamálaráðuneytið vegna fjármögnunar innleiðingar á verkefninu. Málið verður svo tekið fyrir að nýju í stjórn.

5. Sóknaráætlun 2025-2029 - 2312007

Á 571. fundi var formanni og framkvæmdastjóra falið að vinna nánar að útfærslu fyrirkomulags við vinnu við gerð nýrrar sóknaráætlunar en fyrir liggur að innviðaráðuneytið fjármagnar verkefnið. Fyrirliggjandi er tillaga um fyrirkomulag þeirrar vinnu og gerð er tillaga um að haldinn verði fundur með samráðsvettvangi verkefnisins skv. 97 gr. sveitarstjóranarlaga. Fundurinn, sem ætlað er að marka framhald verkefnisins, verði haldinn eftir hádegi fimmtudaginn 20. júní nk.

Niðurstaða:

Framkvæmdastjóra falið að ganga til samninga við ráðgjafa vegna verkefnisins og vinnufundur samráðsvettvangsins verður haldinn 20. júní nk.

Umræður

6. Aðalfundur SSH 2024 - 2403005

Framhald umræðu frá 575. fundi en þá var formanni og framkvæmdastjóra falið að móta frekar tillögur um kynningar- og ársfundi byggðasamlaganna og leggja fyrir fund stjórnar. Frekari greining á upplýsingagjöf byggðasamlaganna samkvæmt stofnsamningum, eigendastefnum og starfsreglum stjórna, liggur nú fyrir til umræðu.

Niðurstaða:

Ekki er gert ráð fyrir að ársfundir byggðasamlaganna verði haldnir samhliða aðalfundi SSH, heldur haldi byggðasamlögin hvert fyrir sig aðalfund/ársfund.

7. Stjórnsýsla byggðasamlaga - 1912001



Samtök sveitarfélaga á höfuðborgarsvæðinu

Fyrir liggur að ákveða þarf dagsetningu fundar Stefnuráðs byggðasamlaganna vegna umræðu er varðar málefni Sorpu bs.

Niðurstaða:

Skrifstofa SSH mun boða fund Stefnuráðs byggðasamlaganna að höfðu samráði við stjórn.

8. Útivistarvefur hbsv. -Sóknaráætlun 2023 - 2303007

Á 571. fundi stjórnar var ákveðið að áfram yrði unnið að framvindu þessa verkefnis til samræmis við fyrirliggjandi tillögur og að jafnframt yrði gengið til samninga við Markaðsstofu höfuðborgarsvæðisins um hýsingu verkefnisins.

Fyrirliggjandi til kynningar eru drög að samstarfssamningi SSH og Markaðsstofu höfuðborgarsvæðisins vegna framlags og verkaskiptingar í tengslum við uppsetningu og rekstur útivistarvefs höfuðborgarsvæðisins en fyrirhugað er að undirrita hann á næstu dögum.

Þá er fyrirliggjandi til kynningar samningur við vefhönnunarfyrirtæki sem undirritaður verður á næstu dögum en á 577. fundi stjórnar voru niðurstöður verðfyrirspurnar vegna hönnunarinnar kynntar og framkvæmdastjóra falið að undirrita verksamning á grundvelli þeirra.

Niðurstaða:

Lagt fram til kynningar

9. Umsagnir þingmála - 1910005

Tillaga til þingsályktunar um fjármálaáætlun fyrir árin 2025-2029 hefur verið lögð fram á Alþingi en framlengdur umsagnarfrestur er til og með 8. maí. Umræður.

Niðurstaða:

Framkvæmdastjóra er falið að vinna umsögn til samræmis við umræður fundarins.

10. Samráðshópur á sviði velferðarmála - fundargerðir - 2202013

Fyrirliggjandi til kynningar er fundargerð samráðshóps á sviði velferðarmála dags. 10. apríl 2024.

Niðurstaða:

Lagt fram til kynningar

11. Samráðshópur um vatnsvernd og vatnsnýtingu á höfuðborgarsvæðinu - 1505001

Fyrirliggjandi til kynningar er fundargerð 44. fundar samráðshóps um vatnsvernd og vatnsnýtingu dags. 18. apríl 2024.

Niðurstaða:

Lagt fram til kynningar



Samtök sveitarfélaga á höfuðborgarsvæðinu

12. Stýrihópur Stjórnarráðsins um byggðamál - 2110008

Fyrirliggjandi til kynningar er fundargerð 95. fundar Stýrihóps Stjórnarráðsins um byggðamál dags. 4. mars 2024.

Niðurstaða:

Lagt fram til kynningar

13. Önnur mál - 2110011

Jón Kjartan Ágústsson svæðisskipulagsstjóri hefur sagt starfi sínu lausu og mun láta af störfum 1. ágúst nk.

Stjórn þakkar Jóni góð störf í þágu SSH og samstarfs sveitarfélaga á höfuðborgarsvæðinu og óskar honum velfarnaðar í nýju starfi.

Starfsleyfi Strætó bs.

Framkvæmdastjóri mun óska eftir frekari upplýsingum um stöðu og framgang þessa máls.

Niðurstaða:

Umræður

Fleira ekki gert. Fundi slitið kl. 14:00.

Skjal sótt af '00000000000' dags: 19.08.2026